

隨山宇方鈔

陽

山

序

方

鈔

版藏紹
興裘氏

曰嗟乎使天下人皆鈔如是書書何必著且其功在著書
上新唐書方技傳許允宗療視必愈或勸其著書貽後世
者答曰醫特意耳思慮精則得之脈之候幽而難明吾意
所解口莫能言也古之上醫要在視脈病乃可識病與藥
值唯用一物攻之氣純而愈速今之人不善爲脈以情度
病多其物以幸有功譬獵不知兔廣絡原野冀一人獲之
術亦疏矣一藥偶得他味相制弗能專力此難愈之驗也
脈之妙處不可傳虛著方劑終無益於世此吾所以不著
書也蹇士邃於醫亦不著書僕屢見輒請輒誦許傳以虛

著無益爲言生平簞述等身而於醫家言屢蔡徐氏大椿
慎疾芻言又取王氏士雄溫熱經緯足本參訂之暇則錄
校經驗之方先出甲編次第鈔之而未有已蓋愍夫今之
以情度病者不師古而自處功未有幸殺人如麻以爲擇
禍莫如輕不若依方檢服猶覬病與藥值瘳十瘳九亦許
散騎之意也矧夫寰鄉叢縣單戶窮氓槁卧纏牀蔓致傳
染無資延醫或誤延獵者可若何蹇士此編攷恒河沙數
無辜枉斃之民於不善爲脈之手功詎在忠州陸相下哉
爰重蔡之以廣樞印壬午上巳日

菰城 荔牆蹇士 編校

甲編

祕授清凝丸

係內府所傳一名青麟丸諸般病證每用不過三錢神效無比修合廣施實陰德之一助

錦紋大黃二十斤用布拭去毛米泔浸半日切片曬乾

每斤入無灰好陳酒半斤浸三日取出曬大半乾 第

一次用側柏葉鋪墊甌底竝葢藥上將大黃蒸至一炷

香久取出曬乾

每次蒸俱另用側柏葉葢墊蒸過不用

第二次用綠豆

熬濃汁將大黃拌透蒸一炷香久取出曬乾

白後每次拌汁蒸曬

俱照前法

第三次用大麥熬濃汁

凡綠豆大麥黑豆每大黃一斤約用二三合

第四次用馬料豆熬濃汁 第五次用槐葉熬濃汁

第六次用桑葉熬濃汁 第七次用桃葉熬濃汁

第八次用鮮車前葉熬濃汁

以上四葉每大黃一斤約用二三兩

第九

次用厚朴熬濃汁

第十次用陳皮熬濃汁

第十一

次用半夏煎汁

第十二次用白朮煎汁

第十三次

用香附煎汁

第十四次用黃芩煎汁

以上諸藥每大黃一斤各用一

兩凡拌汁須將汁收盡

第十五次每大黃一斤用無灰好陳酒

一斤拌透曬乾再蒸三炷香時取出曬乾磨為細末每

藥末一兩用黃牛乳

如無以煉白蜜二兩代之

真薑便薑汁各二兩

拌勻用木杵擣干餘下

如天時乾燥須用煉白蜜旋加旋擣使乾壅得所

丸如

梧桐子大曬乾盛瓷器中蓋密勿令泄氣每服三錢小

兒一錢俱照後證用引煎湯送下按用引藥品多有未妥用者宜酌之

治諸證湯引 頭痛牽連兩眉棱骨者係痰火薑皮燈心

湯下左邊痛者柴胡湯下右邊痛者桑白皮湯下兩太

陽痛者白芷石膏藁本各三錢煎湯下頭頂痛者藁本

三錢升麻一錢煎湯下 頭腦痛身不發熱口渴亦係痰火

薄荷湯下 時時頭暈亦係痰火燈心湯下 眼疾初起腫

痛異常先用羌活白芷甘菊花各一錢二分川芎大黃各一錢

紅花三錢枳殼陳皮各八分甘草赤芍各四分蔥頭三箇水二盃

煎熟服次日方用此丸菊苳湯下 眼害久不愈歸身

一錢菊花煎湯下 遇勞碌兩眼卽痛內見黑花龍眼

肉七枚煎湯下 鼻上生紅瘡紅點心火上炎熏灼肺經所致桑白皮

燈心煎湯下 非服二三十次不能見效 鼻孔生瘡枇杷葉三錢刷淨毛綿

包尤煎湯下 耳內作癢及暴聾俱燈心湯下 耳鳴

心腎不足痰火生之故 淡鹽湯下 口脣腫脹茯苓燈心湯下

口脣腫硬生瘡生甘草三錢煎湯下 口舌生瘡是胃火上升

竹葉燈心湯下 冬月用竹葉 咽喉腫痛桔梗甘草湯下

牙齒痛石膏升麻各三錢煎湯下 老年牙齒常疼虛火燈

心湯下 單雙乳蛾牛膝煎湯下 嗽血麥冬湯下

吐血紅花一錢煎湯入童便半杯下 吐紫血成塊名蓄紅

花歸尾甘草梢

各三錢

同煎入童便無灰好陳酒

各半服

鼻衄不止燈心湯下

左癰右瘕秦艽

三錢

生薑片煎

湯下

跌打損傷蓄血在內不思飲食蘇木

五錢

煎湯入

童便好陳酒

各半杯

每服五錢

溺血管中痛麥冬湯下

溺血或身體壯實平日喜食熏炙者燈心湯下 溺

血或年老體弱者

膀胱蓄熱腎水不行之故

宜早服六味丸晚服此

丸淡鹽湯下

溺血盆中少頃如魚如鰕如絮如石

因自

奉不謹心腎不足所致

牛膝一兩水二盃煎至一盃服

大便糞前

下血歸身

二錢

生地白芍川芎

各一錢

煎湯下糞後下血槐

花地榆

各一錢

煎湯下純血帶紫色紅花湯下純鮮血當

歸湯下 遺精淡鹽湯下 白濁及淋證俱燈心湯下

淋證兼痛者海金沙三錢煎湯濾清下 胸膈有痰火

燈心湯同薑汁下 胸中時痛時止口吐酸水橘餅半箇

煎湯下 胸膈飽脹或作酸或胃腕痛食減俱薑湯下

傷寒汗後餘熱白滾湯下 傷寒後胸膈不寬百藥

無效多年陳香櫞一箇長流水二盃煎至一盃去渣露一

宿服 嘔吐煨薑煎湯下乾嘔薑湯下吐痰涎薑汁沖

湯下 傷風久嗽不止或嗽吐黃痰俱薑湯下嗽吐白

痰紫蘇湯下久嗽無痰乾咳麥冬湯下久嗽有痰諸藥

不效者薑湯下 陳酒或薑皮一錢三五分酌用久嗽聲啞訶子麥冬湯

下 發熱久不退柴胡湯下 煩渴思飲不止燈心湯

下 痢疾初起純白者薑湯下純紅者檳榔紅花湯下

紅白相間者薑皮燈心湯下久痢不止炙甘草湯下噤

口痢飲食不進陳米湯下 胸中作酸薑湯下作嘈薑

皮湯下 溼痰流注初起薑湯下 孕婦忌服 五臟停痰胸

膈飽滿薑汁沖湯下 背心作痛作冷伏天亦畏冷者

痰飲煨薑煎湯下 肥人素善飲無病忽昏沈如醉如癡

或蹲地不起眼生黑花 痰也薑湯下 傷酒甘菊花煎湯

下 眼眶下忽如煤色 痰也薑汁沖湯下 水腫麥冬赤

芍煎湯下 久病發腫者不宜 噎膈薑湯下若至五十日不治

者此丸能救用四物湯芍地歸服中暑薑皮燈心湯下

中熱或暑瀉俱香薷湯下霍亂陰陽不和或寒伏

暑俱薑湯下暑伏寒薑皮湯下哮喘大腹皮湯沖服

肥人多痰薑汁下盜汗浮小麥煎湯下自汗同久用

圓眼驚悸怔忡石菖蒲汁沖湯下夜不能寐炒透

酸棗仁煎湯下大便結燥當歸湯下小便不通燈

心湯下癲狂燈心湯下或眼目歪邪出言無緒罵詈

不堪頃刻又好心胸經絡有痰遇火熏蒸痰入心竅故昏惑狂言少頃心火下降仍復清明

茯苓三錢湯下非十數服不能愈肺癰胸中痛嗽痰腥臭如膿

血苡仁一兩煎湯服大腸癰肛門墜高或登廁無糞但

小便短少燈心湯下 四肢無力徧身筋骨痛反側艱

難木通一兩水二盃煎至一盃下四錢三服立愈 黃疸

皮膚兩眼如黃金色綿茵陳三錢煎湯下 臃脹大腹皮

湯下

女科諸證 骨蒸發熱地骨皮湯下 潮熱盜汗浮小

麥湯下 胸有痰涎薑湯下 胸膈不寬香附三錢煎湯

下 胃脘痛良薑湯下 時時噯氣不思飲食悶悶不

樂鬱證香附五錢薑片煎湯下 餘證與 經水不調四物

湯川芎當歸白芍下 經行色紫腹痛蘇木三錢煎湯入

方日

五

薑汁三匙下 經來身痛益母草湯下 孕婦小便不通

燈心湯下 孕婦偏身發腫大腹皮湯下 產後惡露

不盡腹痛益母草五錢煎湯入童便半杯服或加蘇木三錢 產後

小便不利木通湯下 產後頭暈目眩四物湯下 產

後大便不通肛門壅腫歸身三錢紅花一錢煎湯下 產後

發熱四物湯加益母草三錢同煎服 產後嘔吐不止藿

香湯下 乳汁不通王不留行煎湯下

小兒諸證 小兒初生啼聲未出急將口中汗血拭淨

用甘草五錢煎湯研丸為末七釐調稠灌下能去一切胎毒

小兒吐乳及嘔吐薑湯下 小兒夏日中暑或霍亂

或重舌或喘證癰證或暑瀉俱燈心湯下寒瀉忌服大便

結燥白蜜三匙沖湯下 慢驚風人參三分勾藤一錢煎湯下

急驚風勾藤薄荷各一錢煎湯下天哮同 瘧疾檳榔

蘇葉湯下 鼻血不止白茅根搥爛絞汁沖湯下 傷

風熱退夜嘔薄荷湯下 痧後咳嗽不止枇杷葉湯下

中風腫痛蒼朮三錢煎湯下 小兒幼時不知人事久

雨乍晴蹲地頑耍溼氣侵入睡臥不安夢中啼哭勾藤

薄荷各三錢煎湯服 小兒身上如紅雲外以朴硝大黃

等分研末雞蛋白調敷再用燈心湯服此丸 小兒脾弱

面黃體瘦大便泄瀉唇口生瘡喜食甜物多食無厭或

好喫泥土喜睡炙甘草錢一元棗錢一煎湯下 疳疔面青

體瘦目黃性急發熱不止小便黃赤喜食酸物銀柴胡

湯下 腎疔面黑體瘦頭髮直豎小便多熱不食喜食

鹹物桑白皮湯下 肺疔面白體瘦小便如米湯色鼻

流清涕周身毫毛直豎馬料豆煎湯下 心疔面紅舌

赤發熱體瘦小便短少喜喫辛物茯苓錢一燈心錢五煎湯

下 小兒痢疾諸證照大人所用引服月內小兒每服

分作三次服 市肆所售製不如法勿用

玉液金丹 此方傳自乩仙專治婦科百病擇天喜天醫療病吉日誠心配合有起死回生之功神效無比